

Communicaziun a las medias dals 21 da november 2024

## La BCG è danovamain ina da las meglras bancas svizras

La Banca Chantunala Grischuna (BCG) ha cuntanschi ina topclassificaziun en il studi actual da la Scola auta da Lucerna davart il banking da retail da quest onn. En la categoria dals pli gronds instituts da finanzas è la BCG per la quarta giada en fila la meglra banca svizra.

Per eruir la rangaziun ha il team da perscrutaziun examinà las bilantschas ed ils quints economics dal 2019 fin il 2023 da 91 instituts sa basond sin nov cifras distinctivas. En la rangaziun da la cumparegliaziun dals ultims tschintg onns è la BCG sin l'emprim plaz en la categoria dals instituts da finanzas cun ina summa da bilantscha da passa 25 milliardas francs. Il medem mument è ella la meglra banca chantunala sur tut las classas da grondezza. «Il resultat da la BCG ch'è danovamain uschè excellent mussa che noss model da fatschenta funcziuna era sut differentas cundiziuns dal martgà», commentescha Daniel Fust, il CEO da la Banca Chantunala Grischuna, il svilup da la banca ch'è persistentamain positiv.

Dapi il 2012 examinescha l'Institut per servetschs finanzials da Zug IFZ da la Scola auta da Lucerna mintg'onn la fatschenta principala da las bancas che s'orienteschan sin il martgà svizzer. L'ediziun actuala analysescha d'ina vart la sensibladad per ils pretschs da clientas e clients da bancas e da l'autra vart il diever da products da bancassicuranza en Svizra. Ultra da quai preschenta il studi las cifras distinctivas da las bancas da retail e cumpiglia in'analisa da corporate governance detagliada. Ulteriuras infurmaziuns chattais Vus sin: [hslu.ch/retailbanking](https://hslu.ch/retailbanking).

### Contact:

Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11

Banca Chantunala Grischuna, chascha postala, 7001 Cuira | [medien@gkb.ch](mailto:medien@gkb.ch) / [gkb.ch/medien](https://gkb.ch/medien)

### Banca Chantunala Grischuna.

La Banca Chantunala Grischuna porscha tut quai ch'i dovra per ina banca universal moderna – per personas privatas, l'economia ed il maun public. L'interpresa cun sedia principala a Cuira è represchenta en passa 40 lieus en il Grischun. Cun var 1'000 collavuraturas e collavuratur è la BCG ina da las pli grondas patronas en il chantun. Sia attaschadada al Grischun exprima ella en moda multifara. Ultra da sias activitads economicas s'engascha ella cun ses sponsoradis, ses fond da contribuziuns e sias puschidas per lavur voluntara.

La BCG dispona da participaziuns da maiortad a la Banca privata Bellerive AG, a l'Albin Kistler AG ed a la BZ Bank Aktiengesellschaft. Il scrit da participaziun BCG è quotà a la bursa dapi il 1985.